



UNIVERSITÄTS-
BIBLIOTHEK
PADERBORN

Universitätsbibliothek Paderborn

**F. Ioannis Andreæ Coppensteinii, Ordinis Prædicatorum
Theologi & Parochi Heidelbergæ Castigatio Apologiæ
Calvino-Catecheticæ**

Coppenstein, Johann Andreas

Moguntiæ, 1626

II. An sit iniuriosa Christo?

urn:nbn:de:hbz:466:1-35247

nem. Dicit, non docet; cur, salvo Vnico Summo, non possint esse inferiores Mediatores. Ego verò esse docui in *Lutherocalu. part. I. q. 75. 76. ex Bellar.* quo aduersarium remitto; hic nil addo. Cetera hīc sua Caluiniana, *toto corde execranda*, ut ait, sperno, non Ipsum: ideoque ipsi & suam *āyisouayiaw*, & nostram *āyisouayiaw* synopticā & methodice perstringam: pleraque ex Bellar, & Becano.

Inuectiua, seu Antilogiae Apologistæ capita potiora videntur ista: Inuocationem Sanctorum cedere in iniuriam 1. Dei: 2. Christi: 3. Esse signū dissidentie in Deum: 4. Non esse in præcepto diuino: 5. Non visitaram in primitiua Ecclesia fuisse: 6. Eos res nostras, precesue nosle non posse.

INVOCATIO SANCTO- RVM.

I. An sit iniuriosa DEO?

MINISTER *āyisouayiaw* ait: Quia, Deut 6. Matt. 4. Dominum Deum tuum adorabis, & illi SOL seruies. Ergo.

RESPONDEO. 1. Sicque retorqueo. Ergo aduersarij irrogatis iniuriam Deo, cum Sanctos adhuc viuentes oratis opem. Ut S. Paulus ad Thessal. *Fratres, orate pro nobis.* Iacobus: *Orate pro inuicem, vt saluemini.*

2. Respondeo. Illud Soli, explicatur Exod. 20. non alieno: *Non habebis Deos ALIENOS coram me;* non adorabis eos, neq; coles. Ego sum Dominus DEUS tuus. Contra hoc non peccant petentes suffragia viuentium in terra: ergo minus, viuentium in cœlo. Quia, neutri neutros Adorant vt Deos; sed intercessionem pertunt amicorum.

II. An sit iniuriosa CHRISTO?

MINISTER hagiomastix ait. Quia 1. Tim. 2. *Vnus Mediator Dei & hominum, homo Christus IESVS:* Ephes. 2. Per IPSVM habemus accessum ad Patrem: Et ipsius interpellatio est sufficiens.

RESPONDEO. 1. Sicque retorqueo, vt prius de huius vitæ Sanctis, & alterius. At citra Christi iniuriam licet hic inuocare viuentes mediatores. Ergo. Dic cur non?

2. Respondeo. Christus est *Vnicus*, quia Principalis est Mediator: hocque per proprium *Sanguinem*:

quod ALIVS potuit nemo. Ita ibidem 1. Tim. 2. explicat Paulus: *Qui dedit Redemptionem semetipsum pro omnibus.* 1. Pet. 1. Redemptoris pretioso sanguine. &c. At Sancti sunt Mediatores secundarii pro nobis intercedendo, vt fructum redemptio-nis percipiamus.

Quo Mediationem Christi non obscurant magis comprecatores nostri in cœlo, quam alij hic in terra sancti; aut quam nos ipsi pro nobis comprecando cum Christo Mediatore. Præsertim cum & nostra, & hic viuenti, m, & Cœlitum comprecatio vim habeat omnem ex meritis Christi: eoque gloriosior Christo est.

III. An sit Dissidentie signum?

MINISTER *āyisouayiaw* ait. Quia contra inhortationem Apostolicam, Hebr. 4. *vt cum Fiducia accedamus ad eum,* Heb. 7. qui saluare in perpetuum posset accedentes per Semetipsum ad DEVUM, *semper vivens ad interpellandum pro nobis:* contra hæc, inquam alios ambire mediatores, est dissidere tali primariò.

RESPONDEO. 1. Paulus orabat ipse per Christum; & tamen etiam viuentium perebat suffragia, idque citra dissidentiam in Christum: Ergo & nos pariter.

2. Deus paratus est exaudire Christum accedentes Solos; cur non ergo accedentes cum Amicis Dei? Ita iussit amicis Iobi Deus, Iob. 42. *Ite ad seruum meum Iob, & offerte holocaustum pro robis.* Iob orabit pro vobis: faciem eius suscipiam, vt non vobis imputetur stultitia vestra. Ita Regi Abimelechait Deus, Gen. 20. Abraham orabit pro te, & viues. Ostendit sic Deus amicorum dignitatem, siam complacentiam; & docuit peccatores sui demissionem, non Dissidentiam ullam; quin Confidentialiam erectiorem.

IV. An Non præcepta sit licita?

MINISTER hagiomastix sic innuere videatur: Quia Dei, & Christi inuocatio legitur: esse præcepta: iuxta Deut. 12. *Quod præcipio tibi, hoc TANTVM facito Domino: nec addas quicquam, nec minuas.*

RESPONDEO. 1. Illud accipiendum est tantum de offerendo Sacrificio; non de quocumque opere.

2. Mul-